

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ
Općinsko vijeće

PRIJEDLOG

Broj: 01/1 – __ – __/24

Datum: __.__.2024. godine

Na osnovu člana 13., a u vezi sa članom 8. Zakona o principima lokalne samouprave u Federaciji Bosne i Hercegovine („Službene novine Federacije BiH“ broj: 49/06 i 51/09), člana 24. Statuta Općine Kakanj („Službene novine Općine Kakanj“ broj: 4/08), te Programa utroška namjenskih sredstava za zaštitu okoline broj: 01/1–36–17/24 od 31.01.2024. godine („Službene novine Općine Kakanj“ broj: 2/24), Općinsko vijeće na __. sjednici održanoj dana __. __.2024. godine, usvojilo je:

ODLUKU

**o uslovima, kriterijima i postupku dodjele sredstava za sufinansiranje mjera poboljšanja
energijske efikasnosti i smanjenja aerozagađenja na području općine Kakanj**

OSNOVNE ODREDBE

Član 1.

(Predmet)

Ovom Odlukom utvrđuju se uslovi, kriteriji i postupak za dodjelu sredstava iz Budžeta Općine Kakanj fizičkim licima za sufinansiranje mjera poboljšanja energijske efikasnosti i smanjenja aerozagađenja na području općine Kakanj.

Član 2.

(Primjena)

- (1) Odredbe ove Odluke primjenjuju se na individualne stambene i individualne stambeno – poslovne objekte na području općine Kakanj.
- (2) Objekti koji se nalaze u obuhvatu zona toplifikacije usvojenih od strane Općinskog vijeća Općine Kakanj i za koje se može osigurati načelna saglasnost JP “Grijanje” d.o.o. Kakanj za priključenje na sistem daljinskog grijanja mogu biti predmet prijave na javni poziv za dodjelu sredstava za sufinansiranje mjere iz člana 3. stav (1) tačka c) Odluke.
- (3) Objekti koji se ne nalaze u obuhvatu zona toplifikacije usvojenih od strane Općinskog vijeća Općine Kakanj i za koje se ne može osigurati načelna saglasnost JP “Grijanje” d.o.o. Kakanj za priključenje na sistem daljinskog grijanja mogu biti predmet prijave na javni poziv za dodjelu sredstava za sufinansiranje mjere iz člana 3. stav (1) tačka a), b) ili c) Odluke.

Član 3.

(Značenje pojedinih izraza)

- (1) Mjere poboljšanja energijske efikasnosti i smanjenja aerozagađenja u smislu odredbi ove Odluke, a koje su predmet sufinansiranja (u daljem tekstu: mjere), podrazumijevaju:
 - a) nabavku i ugradnju dizalica toplote (u daljem tekstu: toplotne pumpe) tipa zrak – voda, voda – voda i zemlja – voda, sa pratećom opremom i radovima, kao okolišno prihvatljivog načina zagrijavanja objekata;

- b) nabavku i ugradnju kotlova sa isključivim pogonom na drvenu biomasu (u daljem tekstu: peći na pelet);
- c) “utopljavanje” objekata radi smanjenja toplinskih gubitaka, odnosno nabavku i ugradnju materijala za izolaciju vanjskih zidova i tavanice objekata (u daljem tekstu: “utopljavanje objekata”).

USLOVI I NAČIN DODJELE SREDSTAVA

Član 4.

(Opći uslovi za dodjelu sredstava)

Podnosilac prijave na javni poziv za dodjelu sredstava za sufinansiranje mjera (u daljem tekstu: podnosilac prijave) mora ispunjavati sljedeće opće uslove:

- a) da ima prijavljeno prebivalište i boravište na adresi objekta koji je predmet prijave na javni poziv, najmanje tri mjeseca prije objave javnog poziva;
- b) da je vlasnik ili posjednik objekta koji je predmet prijave na javni poziv, odnosno da je vlasnik ili posjednik zemljišta na kojem je izgrađen objekat koji je predmet prijave na javni poziv te posjeduje odobrenje za građenje za objekat koji je predmet prijave.
- c) da se za objekat koji je predmet prijave na javni poziv ne može osigurati načelna saglasnost JP „Grijanje“ d.o.o. Kakanj za priključenje na sistem daljinskog grijanja, ukoliko se radi o objektima u kojima se vrši nabavka i ugradnja toplotne pumpe ili peći na pelet;
- d) da u proteklom periodu nije koristio sredstva iz Budžeta ZE – DO kantona ili drugog nivoa vlasti u BiH namijenjena za implementaciju mjere koja je predmet prijave na javni poziv;
- e) da je saglasan i da se obavezuje da po izvršenoj ugradnji toplotne pumpe ili peći na pelet neće koristiti uređaj za zagrijavanje sa pogonom na fosilno gorivo;
- f) da je saglasan i da se obavezuje da će Komisiji iz člana 9. ove Odluke osigurati pristup objektu u cilju pregleda implementirane mjere i u cilju utvrđivanja ispunjenja obaveze iz tačke g) ovog člana;
- g) da ispunjava i druge uslove iz javnog poziva.

Član 5.

(Dokazi o ispunjavanju uslova za dodjelu sredstava)

- (1) Podnosilac prijave dužan je dostaviti sljedeću dokumentaciju kao dokaz o ispunjavanju općih i posebnih uslova propisanih ovom Odlukom:
 - a) PBA–1 obrazac izdat od strane MUP–a ZE–DO Kantona, kao dokaz o prijavljenom prebivalištu (CIPS), i to najmanje tri mjeseca prije objave javnog poziva na adresi objekta koji je predmet prijave na javni poziv;
 - b) fotokopiju računa za uslugu snabdijevanja električnom energijom za period od najmanje tri mjeseca prije objave javnog poziva, u iznosu ne manjem od 100 kWh mjesečno;
 - c) zemljišnoknjižni izvadak izdat od strane Općinskog suda u Kaknju ili posjedovni list izdat od strane Službe za geodetske i imovinsko – pravne poslove i katastar nekretnina Općine Kakanj za objekat koji je predmet prijave na javni poziv, odnosno za parcelu na kojoj je izgrađen objekat koji je predmet prijave na javni poziv.
 - d) fotokopiju odobrenja za građenje za objekat koji je predmet prijave.

- e) izjavu podnosioca prijave ovjerenu kod nadležnog organa kojom se obavezuje da po izvršenoj ugradnji toplotne pumpe ili peći na pelet neće koristiti uređaj za zagrijavanje objekta sa pogonom na fosilna goriva;
 - f) izjavu podnosioca prijave ovjerenu kod nadležnog organa kojom se obavezuje da će Komisiji iz člana 9. ove Odluke osigurati pristup objektu u cilju pregleda implementirane mjere i u cilju utvrđivanja eventualnog nepostupanja u skladu sa obavezom iz ove Odluke.
 - g) izjavu podnosioca prijave ovjerenu kod nadležnog organa da u proteklom periodu nije koristio sredstva iz Budžeta ZE–DO Kantona ili drugog nivoa vlasti u BiH namijenjena za implementaciju mjere koja je predmet prijave na javni poziv;
 - h) potvrda izdata od strane JP Grijanje d.o.o. Kakanj da se objekat koji je predmet prijave ne može priključiti na sistem daljinskog grijanja.
- (2) Podnosilac prijave dužan je dokaze iz stava (1), tačke a), c), d) ovog člana, dostaviti u originalu ili ovjerenom fotokopiji a dokazi za tačke a) i c), ne smiju biti stariji od tri mjeseca. Izjave iz stava (1) tačke e), f), g), ovog člana, u formi izjava ovjerenih kod nadležnog organa.

Član 6.

(Iznos sredstava za sufinansiranje)

- (1) Dodjela sredstava za sufinansiranje mjera vrši se u sljedećim iznosima:
 - a) do 30% od vrijednosti nabavke i ugradnje toplotne pumpe, a ne više od 3.000,00 KM;
 - b) do 30% od vrijednosti nabavke i ugradnje peći na pelet, a ne više od 2.500,00 KM.
 - c) do 20% od vrijednosti nabavke i ugradnje materijala za izolaciju vanjskih zidova i tavanice a ne više od 2.000,00 KM;
- (2) U toku jedne budžetske godine podnosilac prijave može ostvariti pravo na sufinansiranje samo jedne mjere iz člana 3. stav (1) ove Odluke.
- (3) U toku jedne budžetske godine raspoloživa sredstva se raspoređuju za sufinansiranje mjera propisanih u članu 3. stav (1) Odluke (toplotna pumpa: peć na pelet: utopljanje objekta) u omjeru 40:40:20.
- (4) U slučaju neutroška cjelokupnog raspoloživog iznosa sredstava za sufinansiranje neke od mjera, neutrošeni dio sredstava će se ravnomjerno rasporediti za sufinansiranje preostalih mjera.
- (5) Pojedinačni maksimalni iznos sredstava koji se dodjeljuje podnosiocima prijava navodi se prilikom objave konačnih rang listi iz člana 11. ove Odluke.

KRITERIJ ZA RANGIRANJE PODNOSILACA PRIJAVA NA JAVNI POZIV

Član 7.

(Kriterij za rangiranje u okviru konačnih rang listi)

Projekti će se ocjenjivati prema sljedećim kriterijima:

- a) gorivo koje se koristi za grijanje: najveći broj bodova će dobiti lica koja koriste uglj kao jedino gorivo za zagrijavanje objekta (max 60 bodova), zatim kombinacija uglja i ogrjevnog drveta (max 45 bodova).

- b) Ukupna investicija po m² korisnog stambenog/poslovnog prostora (max 30 bodova). Objekti se rangiraju prema veličini investicije po m² korisnog stambenog/poslovnog prostora. Prednost imaju objekti sa manjom investicijom po m² korisnog stambenog/poslovnog prostora;
- c) Procenat obezbjeđenja novčanih sredstava podnosioca prijave veći od 70 % ukupne vrijednosti prema predmjeru i predračunu (max 10 bodova);

POSTUPAK DODJELE SREDSTAVA

Član 8.

(Objava i sadržaj javnih poziva za dodjelu sredstava)

- (1) Dodjela sredstava vrši se putem javnog poziva, koji ostaje otvoren 20 dana, računajući od dana objave na web stranici Općine Kakanj, uz isticanje na oglasnoj tabli Općine Kakanj, kao i na oglasnim tablama mjesnih zajednica.
- (2) Javni poziv iz stava (1) ovog člana raspisuje Općina Kakanj, putem Službe za privredu, urbanizam i zaštitu okoline, do potpunog utroška planiranih sredstava.
- (3) Javni poziv iz stava (1) ovog člana obavezno sadrži podatke o uslovima za prijavu na javni poziv, kriterijima na osnovu kojih se vrši rangiranje podnosilaca prijava, dokumentaciji koju su dužni dostaviti kao dokaz o ispunjavanju uslova, odnosno dokumentaciju na osnovu koje se vrši rangiranje po kriterijima, načinu podnošenja prijava, krajnjem roku do kada se prijave mogu podnijeti, kao i ostale relevantne podatke.
- (4) Neblagovremene i nepotpune prijave se neće uzeti u razmatranje.

Član 9.

(Komisija za provođenje postupka po javnom pozivu)

- (1) Za provođenje postupaka po javnom pozivu iz člana 8. ove Odluke, Općinski načelnik Općine Kakanj rješenjem imenuje posebnu komisiju koju čini pet članova na mandat od jedne (1) godine.
- (2) U sastav Komisije će biti imenovani: 3 člana ispred Općine Kakanj, 1 član ispred JP Grijanje d.o.o. Kakanj, 1 član stručno lice iz predmetne oblasti.
- (3) Poslovi i zadaci komisije iz stava (1) ovog člana, detaljnije se definišu rješenjem Općinskog načelnika iz stava (1) ovog člana. Poslovi komisije podrazumijevaju rad u službenim prostorijama lokalne samouprave i rad na terenu. Komisija za svoj rad ima pravo na novčanu naknadu.

Član 10.

(Konačna rang liste)

- (1) Podnosilac prijave je dužan na prijavnom obrascu zaokružiti jednu od ponuđenih mjera iz člana 3. stav (1) Odluke.
- (2) Po utvrđivanju ispunjavanja općih uslova za dodjelu sredstava, a na osnovu kriterija za rangiranje, Komisija iz člana 9. Odluke, sačinjava konačnu rang listu podnosilaca prijava koji ispunjavaju uslove za dodjelu sredstava za sufinansiranje mjera propisanih u članu 3. stav (1) Odluke.

- (3) Prilikom sačinjavanja konačne rang liste iz stavova (2) ovog člana, Komisija iz člana 9. Odluke dužna je uzeti u obzir raspoloživi iznos sredstava u Budžetu Općine Kakanj, u smislu primjene odredbe člana 6. stav (4) Odluke.
- (4) Za prijave za koje se utvrdi da su neblagovremene i nepotpune ili da ne ispunjavaju opće uslove za dodjelu sredstava iz člana 4. ove Odluke, Komisija iz člana 9. Odluke sačinjava posebnu listu.
- (5) Konačna rang lista iz stava (2) ovog člana, kao i lista iz stava (5) ovog člana objavljuju se na oglasnoj tabli i web stranici Općine Kakanj, kao i na oglasnim tablama mjesnih zajednica.

Član 11.

(Prigovor na liste)

- (1) Na konačnu rang listu iz člana 10. stav (2) Odluke, kao i na listu iz člana 10. stav (5) Odluke, podnositelj prijave može podnijeti prigovor, u roku od osam dana, računajući od dana objave liste na web stranici Općine Kakanj.
- (2) Prigovore iz stava (1) ovog člana rješava Općinski načelnik, na osnovu prethodnog pismenog izjašnjenja Komisije iz člana 9. Odluke.
- (3) Ukoliko se po rješavanju po prigovorima iz stava (1) ovog člana utvrdi osnovanost podnošenja istih ili ukoliko Komisija iz člana 9. ove Odluke ustanovi da je potrebno izvršiti bilo kakve korekcije u okviru već objavljenih listi, Komisija iz člana 9. Odluke sačinjava korigovanu listu, odnosno korigovane liste.

Član 12.

(Odluka o dodjeli Ugovora)

- (1) Na prijedlog Komisije iz člana 9. Odluke Općinski načelnik donosi Odluku o dodjeli sredstava korisnicima, prema rang listi iz člana 10. Odluke u skladu sa raspoloživim sredstvima, na osnovu koje će se zaključiti pojedinačni ugovori sa korisnicima.
- (2) Za praćenje realizacije Odluke zadužuje se Služba za privredu, urbanizam i zaštitu okoline, a za plaćanje Služba za finansije Općine Kakanj.
- (3) Odluka stupa na snagu danom donošenja i objavljuje se u "Službenim novinama Općine Kakanj".

Član 13.

(Ugovor o sufinansiranju)

- (1) Po objavi konačne rang liste iz člana 10. ove Odluke, Općinski načelnik zaključuje pojedinačne ugovore o sufinansiranju sa korisnicima sredstava.
- (2) Ugovor iz stava (1) ovog člana sadrži prava, obaveze i odgovornosti ugovornih strana.
- (3) Realizaciji mjera korisnici sredstava mogu pristupiti tek po zaključenju ugovora o sufinansiranju koji će sadržavati prava, obaveze i odgovornosti ugovornih strana.
- (4) Rok za implementaciju mjere koja je predmet sufinansiranja iznosi 90 dana računajući od dana zaključenja pojedinačnih ugovora sa korisnicima sredstava.

- (5) U slučaju nastupanja opravdanih okolnosti, rok za implementaciju mjere može se produžiti na pismeni zahtjev korisnika sredstava koji se obavezno podnosi najkasnije 15 dana prije isteka roka iz stava (4) ovog člana.
- (6) Osnovanost zahtjeva iz stava (5) ovog člana cijeni Komisija iz člana 9. Odluke.
- (7) Ukoliko u rokovima iz stava (4) i (5) ovog člana, korisnik sredstava ne implementira mjeru čije sufinansiranje je predmet ugovora i ne dostavi pismeni zahtjev iz stava (5) ovog člana, gubi pravo na dodjelu sredstava za sufinansiranje iste.
- (8) Korisnici sredstava za koje se u roku od dvije godine od dana dodjele sredstava za sufinansiranje mjere iz člana 3. stav (1) tačke a) ili b) utvrdi da su prekršili odredbe ugovora, biće dužni da izvrše povrat dodijeljenih sredstava.
- (9) Komisija iz člana 13. ove Odluke će po saznanju o eventualnom kršenju odredaba ugovora od strane korisnika sredstava i utvrđivanju činjenica u vezi sa istim, obavijestiti nadležnu službu radi pokretanja postupka za povrat dodijeljenih sredstava.

Član 14.

(Pregled implementiranih mjera)

- (1) Korisnici sredstava su dužni uz prijavu dostaviti predračun za implementaciju mjere koja je predmet sufinansiranja na osnovu kojeg će se vršiti transfer doznačenih sredstava.
- (2) Po implementaciji mjere, korisnici sredstava dostavljaju Komisiji iz stava (6) ovog člana pismeni zahtjev za pregled implementiranih mjera.
- (3) Komisija će na bazi pristiglih prijava za implementaciju mjera ugradnje materijala za izolaciju vanjskih zidova i tavanice iz člana 6. Ove Odluke za one objekte koji nemaju urađen energetska audit isti izvršiti putem stručnih lica kako bi se utvrdila opravdanost predloženih mjera izolacije.
- (4) Potpuna implementacija mjera iz člana 3. stav (1) tačke a) i b) podrazumijeva da su ostvareni svi preduslovi za početak korištenja ugrađene toplotne pumpe ili peći na pelet kao uređaja za zagrijavanje objekta koji je predmet prijave na javni poziv.
- (5) Uz zahtjev iz stava (2) ovog člana, korisnik sredstava je dužan dostaviti dokaz o izvršenom plaćanju računa za implementirane mjere u formi izvoda iz banke ili u formi potpisane i ovjerene izjave isporučioaca kojom se potvrđuje da je od strane korisnika sredstava izvršena uplata prema fiskalnom računu.
- (6) Korisnik sredstava koji u roku iz člana 13. stav (4) i (5) Odluke propusti implementirati mjeru i dostaviti zahtjev sa potrebnom dokumentacijom iz stava (2) morat će izvršiti povrat doznačenih sredstava u punom iznosu.
- (7) Pregled imlementiranih mjera iz stava (2) ovog člana vrši Komisija iz člana 9. Ove Odluke, te nakon pregleda sačinjava nalaz i mišljenje.
- (8) Zadatak Komisije je pregled i ocjena blagovremenosti i osnovanosti zahtjeva iz stava (2) ovog člana, zajedno sa pratećom dokumentacijom, kao i pregled objekata u cilju utvrđivanja izvedenog stanja u pogledu implementacije mjera.
- (9) U slučaju kada je predmet sufinansiranja nabavka i ugradnja toplotne pumpe ili peći na pelet, Komisija je dužna utvrditi da se u objektu ne koristi uređaj za zagrijavanje objekta sa pogonom na fosilna goriva.

PRELAZNE I ZAVRŠNE ODREDBE

Član 15.
(Stupanje na snagu)

- (1) Odluka stupa na snagu danom objavljivanja u Službenim novinama Općine Kakanj.

OBRADIVAČ
Služba za privredu, urbanizam
i zaštitu okoline

PREDLAGAČ
OPĆINSKI NAČELNIK

Mirnes Bajtarević